

Tikeraat ornittagaannik ingerlatsinissamut nunami namminermit sullissiviup pilersinnissaa pillugu Namminersorlutik Oqartussat nalunaarutaat nr. 6, 5. november 2018-imeersoq

Tikeraat ornittagaannik takornariartitsivinnillu pilersitsisarneq ingerlatsinerlu pillugit Inatsisartut inatsisaat nr. 25, 28. november 2016-imeersumi § 5, imm. 1 malillugu aalajangiunneqarput:

Kapitali 1

Pilersinnera, taaguutaa aamma angerlarsimaffia

§ 1. Naalackersuisut sullissivik imminut ingerlatittoq Greenland Visitor Center (GVC) pilersippaat.

§ 2. Sullissiviup imminut ingerlatittut angerlarsimaffia tassaavoq Nuuk, Kommuneqarfik Sermersuumi.

Kapitali 2

Inatsisitigut inissisimaffik aamma siunertaq

§ 3. Sullissivik tassaavoq kiffaanngissuseqartutut, kikkut tamarmik iluaqtissaattut sullissivik imminut ingerlatittoq. Pisortani aqutsisoqarnermut atuuttutut inatsisaasunut tunngavigisanullu sullissivik ilaavoq.

§ 4. Sullissiviup imminut ingerlatittup siunertaa tassaavoq tikeraat ornittagaannik, Kalaallit Nunaanni pinngortitamik kultureqarnermillu oqaluttuarisaanermik paasisitsiniaanermut toqqammaviusussanik ingerlatsinissaq.

Kapitali 3

Pisortarisat il.il.

Siulersuisut

§ 5. Sullissivik imminut ingerlatittoq siulersuisunit, sullissiviup sammisaqarfigistut suliassaqarfigisai, aningaasaqarnera aqunneqarneralu pillugit apeqqutini pingaarutilinni tamani aalajangiisartumit siulersorneqarpoq.

§ 6. Siulersuisut Naalackersuisunit toqqarneqartarput.

Imm. 2. Siulersuisut ilaasortat tallimat tikillugit inuttaqarput.

Imm. 3. Siulersuisut inuttut piginnaasaat tunngavigalugit toqqartorneqarput.

§ 7. Siulersuisuni ilaasortat ukiunut marlunnut piffissalikkamut toqqarneqartarput, toqqaqqinneqarsinnaappullu.

§ 8. Siulersuisut ilaasortat akornanni namminneq siulittaasussartik qinertarpaat.

§ 9. Ileqqoreqqusap nassatarisaanik siulersuisut suleriaasissartik namminneq aalajangertarpaat.

§ 10. Sullissivimmi pissutsit, ilanngullugit siulersuisut inuttaligaaneri, akisussaaffigisaat aamma suliassaat, kiisalu sullissiviup aaqqissuussaana pillugit erseqqissagaanerutut malittarisassiat kapitalit 5, 6, aamma 7-mut naapertuuttumik ileqqoreqqusami aalajangersagaapput.

Siulersuisuugallartut

§ 11. Siulersuisuugallartutut atuuffik Inuussutissarsiornermut Nukissiuuteqarnermullu Naalackersuisoqarfimmit isumagineqarpoq.

Imm. 2. Siulersuisuugallartut § 6 malillugu siulersuisut toqqagaanissaasa tungaannut ingerlaannassapput.

§ 12. Ilulissani Kangiata Illorsuata atugaalernissaata, aammalu tassannga piginnittuunerup sullissivimmut tunniunnissaa pillugu Naalackersuisut aalajangiinissaasa tungaannut sullissiviup siulersugaanerani siulersuisuugallartut isumaginnissapput.

Imm. 2. Kangiata Illorsuanik sanaartornermut tunngatillugu sullissiviup soqutigisaanik siulersuisuugallartut isumaginnissapput, aammalu tikeraat ornittagaliorerit pillugit aningaasaateqarfinnik allanillu avataanit aningaasaliisartunik isumaqatigiissutinik atsiugaasunut atatillugu Namminersorlutik Oqartussat suliassaanik isumaginnissallutik, kiisalu tikeraat ornittagaannik avataanit aningaasaliissutitut ilassutissat pissarsiariniartassallugit.

Imm. 3. Sullissiviup missingersuutaata suliarineqarnissaa akuersissutiginnissaalu, sullissiviup aqutsisoqarfianik ilusilersuillunilu aqqissuussinermit tunngatillugu akuersissuteqarnissaq, kiisalu sullissiviup imminut ingerlatittup ingerlatarinnissaanik piareersaanissamut pisariaqartunik allanik aalajangiussisoqarnissaq siulersuisuugallartut isumagissavaat.

Pisortaqarfik

§ 13. Sullissivimmi ulluinnarni siulersuineq pisortamit, siulersuisunit atorfinitsitaallunilu soraarsinneqartussamit isumagineqassaaq.

Imm. 2. Pisortaqarfiup akisussaaffigisai aamma suliassai il.il. pillugit erseqqinnerusumik malittarisassiat ileqqoreqqusami aalajangersarneqarput.

Imm. 3. Pisortap atorfinitsitaanissaata tungaannut siulersuisunut allattoqarfittut atuuffiusoq Inuussutissarsiornermut Nukissiuuteqarnermullu Naalackersuisoqarfiup isumaginnissaavaa.

Kapitali 4

Ilisimatusarnikkut siunnersuisooqatigiit siunnersuisartut

§ 14. Siulersuisunik siunnersuisussatut ilisimatusarfinnit Pinngortitaleriffimmit, GEUS-imit, Niels Bohr Instituttimit, DMI-mit aamma National Snow and Ice Data Centerimit ilaasortalimmik ilisimatusarnikkut siunnersuisooqatigiit pilersinneqassapput.

Imm. 2. Siulersuisunit inassuteqarneq malillugu qulaani taasatut ilisimatusarnikkut sullissisarfiit ilisimatusarnermut attuumassuteqartutut akuerisaasutut ilisimatusarnikkut sullissisarfinnik allanik Naalakkersuisut peersitsillunilu ilassuteqarsinnaapput.

Imm. 3. Sullissisarfiup suliarisaanik malittarinninnissaq, aamma tikeraat ornittagaanni saqqummersitsinernik paasitsiniaanermillu suliarisanik ineriartortitsiuarnissap qulakkeernissaa ilisimatusarnikkut siunnersuisooqatigiit suliassaraat.

Imm. 4. Ilisimatusarnikkut siunnersuisooqatigiit siulersuisunut paasisitsiniaanermik suliarisanut aamma saqqummersitassanut nutaanut siunnersuutininik saqqummiussisinnaapput, aammalu manna tikillugu paasisitniaanermik suliarisat saqqummersitsinerillu nalilersorsinnaavaat.

Imm. 5. Siunnersuisooqatigiinni pissutsit suliaqarnerillu pillugit erseqqinnerusumik malittarisassiat sullissiviup ileqqoreqqusaani aalajangersarneqassapput.

Kapitali 5

Tapiissutit aamma isertitat

§ 15. Siunertamut aningaasanut inatsimmi immikkoortitat aningaasaliissutit tunngavigalugit ingerlatsinissamut tapiissutitut aalajangerneqartumik sullissivimmut ingerlatsinissamut tapiissutinik Naalakkersuisut ikiorsiisinnaapput.

§ 16. Siunertamut aningaasanut inatsimmi immikkoortitat aningaasaliissutit tunngavigalugit sullissivimmut sanaartornermut tapiissutinik Naalakkersuisut ikiorsiisinnaapput.

§ 17. Sullissivimmut sanaartornissamut aningaasartuutininik kommunimit aningaasaleeqataanissaq pillugu Naalakkersuisut aamma kommunit isumaqatigiissutinik atsiugaqarsinnaapput.

§ 18. Sullissivimmut ingerlatsinissamut tapiissutinik kommunimit aningaasaleeqataanissaq pillugu Naalakkersuisut aamma komunit isumaqatigiissutinik atsiugaqarsinnaapput.

§ 19. Siunertarisaminut naapertuuttumik sullissivik tikeraat ornittagaannik ingerlataqarsinnaavoq, tassungalu atasutut isertitanik pissarsiaqarsinnaalluni.

§ 20. Siunertarisaminut naapertuuttumik sullissivik aningaasaateqarfinnit, kattuffinnit aamma suliffeqarfinnit, kiisalu pisortani qullersaqarfinnit tunissutitut, tapiissutitut assigisaatullu ittut isertitat pissarsiaqarsinnaavoq.

Kapitali 6

Naatsorsuutit aamma kukkusersiunerit

§ 21. Sullissivimmuut naatsorsuuserinermuut ukioq tassaavoq ukioq naatsorsuiffik.

§ 22. Kalaallit Nunaanni ukiumuut naatsorsuutinuut inatsimmut peqqussummik qaqugumulluunniit atuuttumik najoqqutaqarluni sullissisisarfik ukiumoortumik nalunaarummik tunniussaqaqtarpoq, Namminersorlutik Oqartussat ataanni sullissiviup immiinuut ingerlatittuunerata nassatarisaanik sanioqqutitsinerit ilanngullugit.

§ 23. § 22-muut naleqqiullugit naatsorsuuserinermi malittarisassianit sanioqqutitsinerit naatsorsuuseriaatsimut atugarisap ataani suliffeqarfimmuut ukiumoortumik nalunaarummi nalunaarsorneqassappuut.

§ 24. Naalagaaffimmit akuerisaasumit kukkusersiuisartumit, nunatta karsiata naatsorsuutaanik kukkusersiuisartumit Inatsisartut toqqagaannit ukiumoortumik naatsorsuutit kukkusersiorneqassappuut.

Imm. 2. Kukkusersiuisup pisortatut kukkusersiuinermik ileqqorilluakkamut naapertuuttumik ukiumoortumik naatsorsuutiniik kukkusersiuisaaq, ilanngullugulu suliffeqarfiup naatsorsuutinuut atortorisaanik aammalu pissutsit sinneri sukumiisumik misissussallugit.

Imm. 3. Aningaasaliissutiniik aqutsinermuut atatillugu inatsisinik unioqqutitsinernik, imaluunniit annertuumik pingaarutilinnik najoqqutassanik sanioqqutitsinernik kukkusersiuisoq paasisaqaqassaguni tamakku pillugit sullissiviup siulersuisuinuut aamma Naalakkersuisuinuut erniinnaartumik kukkusersiuisoq erniinnaartumik nalunaaruteqarnissaminuut pissusaavoq.

§ 25. Suliffeqarfimmik nalilersuinermuut taassumalu ukiumoortumik nalunaarusiaanut pingaarutilittut isigineqartariaqartuniik pisortaqaqarfiup paasisutissat tamakku kukkusersiuisumuut tunniutissavai.

Imm. 2. Taassuma pisariaqartitaanik misissuinernik isumaginninnissamut pisortaqaqarfik kukkusersiuisumuut attaveqartitsissaaq, aammalu kukkusersiuisup suliarisaminuut pisariaqartuusutut isigisaanik paasisutissanik tamakkuninnga aammalu ikiorneqarnissaaq kukkusersiuisup pissarsiarissagai isumagissallugit.

Imm. 3. Pisortaqaqarfiup atsiugaqaqarnermigut naatsorsuutit allassimaffiat (protokollati) akuerissavaa.

Kapitali 7

Ileqqoreqqusani pissutsit

§ 26. Sullissivimmut ileqqoreqqusaaq Naalakkersuisunit akuerineqartussaaq siulersuisut suliarissavaat.

Imm. 2. Ileqqoreqqusami allannguutit Naalakkersuisunit akuerineqassapput.


Kapitali 8
Atuutilernera

§ 27. Nalunaarut ulloq 7. november 2018-imi atuutilerpoq.

Namminersorlutik Oqartussat, ulloq 5. november 2018


Aqqalu Jerimiassen

/


Jørn Skov Nielsen